

“Buyuk va muqaddassan mustaqil Vatan”- tadbir ssenariysi

MTMga kirish yo'laklari bezatilgan, karnay – sunray, doira sho'h sadolari mehmonlarni bayramga chorlab turibdi. Ma'naviyat maydoni bayramona bezatilgan. O'zbekiston Respublikasi bayrog'i to'ra hilpirab turibdi. Sahna markaziga o'rnatilgan so'zana, O'zbekiston gerbi e'tiborni tortadi. MTM hududida “ O'zbekiston vatanim manim” rasm ko'rik tanlovi, “Senga – mening Vatanim” tabiat va tashlandiq xom ashyolaridan ishlanmalar ko'rik tanlovlari tashkillashtirilgan. Maydon atrofiga mehmonlar, kichkintoylar va ota – onalar uchun joylar hozirlangan. Sergeli tumani 4 – mavze “Oqibat” mahalla oqsoqollari, Sergeli tuman XTB uslubchi nazoratchilari, ma'naviyat va ma'rifat bo'limi a'zolari va 552 – MTMda tarbiyalangan, hozirda O'zbekiston milliy akademik drama teatrining yosh taniqli aktyori Shuhrat Nuraliev taklif etilgan. Musiqa sadolari ostida barcha taklif etilganlar va mehmonlar o'z joylarini egallaydilar.

O'zbekiston Respublikasi Davlat madhiyasi yangraydi.

1-Boshlovchi:

Assalom O'zbekim ozod Turonim

Mustaqil diyorum O'zbekistonim

Kelajagi buyuk ulug' diyorsan

O'zing xon saidu, o'zingga beksan

Istiqloling muborak senga Vatanim

O'z erking muborak, buyuk Turonim

Assalomu alaykum hurmatli mehmonlar aziz bolajonlar! Bugun Mustaqilligimizning 20 yillik bayramini nishonlash uchun yig'ilganmiz. Bu bayramni tinch – totuv yashayotgan xalqimiz zo'r xursandchilik bilan kutib olayapti. Sizlarni MTM jamoasi va tarbiyalanuvchilari gullab yashnayotgan O'zbekistoning mustaqillik bayrami bilan muborakbod etamiz.

2-Boshlovchi: Tabrik uchun so'z 552 – MTM mudirasi G. A. Kasimovaga

Raqs: “O'zbekiston”

She'r:

Bugun bayram tantana

Jaranglar sho'x sadolar

Istiqlol yulduzlari

Biz ijodkor bolalr

Yasha Vatan, hur Vatan

Dunyoga mashhur Vatan

Istiqlolga erishding

Davru – davron sur Vatan

Daryolar, dengizlar, tog'larga makon

Bog'lari, chamani oltinlarga kon

Bir go'zal diyorum bor cho'llari bo'ston

Sharqimning mash'ali sen O'zbekiston

Qo'shiq: “Vatanim”

Chaman chaman gullarga

Sayroqi bulbullarga

Toshqin daryo soylarga

Joydir go'zal Vatanim

Ko'kni quchgan uylarga

Baxt keltirgan to'ylarga

Quvnoq va sho'x kuylarga

Boydir go'zal Vatanim

Porlar g'olib bayrog'ing

Kundek yorug' chirog'ing

Boylikka kon har yog'ing

Boy bo'l go'zal Vatanim

1-Boshlovchi:
Mustaqil O'zbekiston
Baxtiyorlar o'lkasi
Raqqosalar raqsi bu
Andijonning polkasi
Raqs: "Andijon polkasi"
She'r:

Mustaqillik degani
Bilib qo'y ne degani
Eng avval mustaqillik
Bo'lmoq puhta ahillik
Xalqlarimiz ahil bo'lsa
Mustahkamdir yurtimiz
Bolalar ham ahil bo'lsa
Budir bizning burchimiz

2-Boshlovchi:

Bugun o'zbek xalqining asrlar osha orzusi bo'lib kelgan Mustaqillik kuni. Mana 20 yildirki hur ozod erkin diyorda yashash zavqini surmoqdamiz. Ushbu ulug' ayyom bilan tabriklash uchun buyuk siymolar ham tashrif buyurishgan.

Amir Temur:

Bolalarim men har mamlakatda adolat eshigini ochdim, har mamlakatning yahshi kishilariga yahshilik qildim. Nafsi yomon, ahloqsiz odamlarni mamlakatdan quvib chiqardim. "O'g'illarim millatning ulug' martabasini, saodatini saqlamog' uchun adolat va ozodlik dastingiz bo'lsin"

Alisher Navoiy:

Shoxu toju hil' atiy kim
Men tamosho qilg'ali
O'zbekim boshida qalpoq
Egnida shirdog'i bas
Ya'ni, men do'ppli o'zbekimga xuddi toj kiyib zarrin libosga o'ralgan shoxga qaragandek quvonib tikilaman.

Alpomish va Barchinoy

Barchinoy:

O'zbek elining o'g'loni

Alpomish avlodlari

Tazim aylay sizlarga

Bahodirlar sultoni

Alpomish:

O'zbek qizi Barchinoy

Go'zalligi hilol oy

Birga qo'shiq kuylaylik

Yurtim ohanglarga boy

1-Boshlovchi: Marhamat mehmonlar bu erga o'tiringlar

Raqs: "Lashkar"

2-Boshlovchi: Bolajonlar (bolalar sahnaga yugurib chiqadilar)

1-Boshlovchi: Bu bayram ajoyibotlarga boy sexrlidir

Bolalar: Uning sexri nimada?

1-Boshlovchi: Bu bayramda ijodini namoyon etgan har bir bolajon o'z orzusiga etar ekan.

Bolajonlar sizning ham orzuingiz bormi?

Bolalar: Albatta

1-Bola:

Menchi men katta bo'lsam

Mohir chevar bo'laman

O'zbekimni do'ppisini

Qoyil qilib tikaman

2- Bola:

Sport bilan do'stlashib

Kuch – quvvatga to'laman

Kelajakda men

Jahon chempioni bo'laman

3- Bola:

Raq's mening jonu dilim

O'ynab katta bo'laman

Mukarrama, Tamarahon

Avlodlari bo'laman

4- Bola:

Men esa jasur, ziyrak

Engilmas chegarachi

Raq's: "Lazgi"

1-Boshlovchi: Bog'chamiz tarbiyalanuvchilari har xil sport turlari bilan shug'ullanib kelmoqdalar. Ular yurtimizning bo'lajak jahon chempionlari. Bugun bizni bayram bilan tabriklash uchun o'z chiqishlarini namoyish etadilar, marhamat kutib oling.

Raq's: "Shodiyona"

Sahna: Birdan paq etgan tovush eshitilib maydon burchagidagi bo'y barobar humdan jin chiqib keladi.

2-Boshlovchi: Voy nima bo'ldi. Bu kim bo'ldi bolalar taniyapsizlarmi?

Bolalar: Bu jin? – Assalomu alaykum jin amaki

Jin: Meni ko'p yillardan beri shu humga solib qo'yishgan edi. Bayramingizda millatingizni ozodligini kuylab she'r, qo'shiq aytib turganingizda qaerdandir menga sehrlil kuch keldiyu, shu humdan qutilib chiqdim. Xursandchilik qilishingiz menga shunday ta'sir qildiki, men ham ozod, mustaqil yashagim keldi. Endi men odamlarga ko'za, lagan, o'yinchoqlar yasab ularni xursand qilmoqchiman.

1-Boshlovchi: Barakalla jin! Seni ozod bo'lganing bilan tabriklaymiz. Sen uchun bolalarimiz qo'shiq raqslarini ijro etishadi.

Raq's: "Gruzincha"

She'r:

Bola:

Bugun bizlar barkamol avlod

Shu Vatanning suyanch ardog'i

Azim chinor bo'lsa gar Vatan

Bizlar uning ko'rki yaprog'i

Bola:

Biz hech kimdan kam bo'lmaymiz

Kam bo'lmaymiz illo hech qachon

Biz bir tanmiz sobiq qadammiz

Ortimizda Vatan jonajon

Bola:

Biz barkamol o'ktam avlodmiz

Kelajagi buyuk davlatmiz

2-Boshlovchi: Bugun yurtimizni 20 – yillik bayramiga bog'chamizda turli millatlar xalq taomlari ko'rik tanlovi bo'lmoqda. Bunda xalqaro milliy xalq taomlari ko'rigi o'tkaziladi. Ko'rik sharti rus, tatat, qozoq, uyg'ur va o'zbek xalqlari taomlari, milliy kiyimlari va chiqishlarini namoyon etadilar.

Sahna:

Fonagramma: chaqaloq yig'isi eshitiladi. Xasan va Zuhra chaqaloqlar sahnaga olib chiqadilar.

1-Boshlovchi: 1991 yil, 1- sentyabr kuni mahallamizda egiz chaqaloqlar dunyoga keldi. Oylar, yillar o'tib chaqaloqlarimiz 2 yoshga to'lishdi va "Oqibat" mahallamizdagi 552-MTMga yo'l olishdi. Ularni MTMning ilk yosh guruhiga qabul qilishdi. (Bolalar bog'chada

o'ynashayotganini tushirilgan rasm baneri ko'rsatiladi) Bog'chada ta'lim – tarbiya olib, aqlni charxlab, yirik va mayda motorikalarini rivojlantirib sog'lom avlod maktab tomon yo'l olishdi. 2-Boshlovchi: maktabda ilm – fanni puhta egallab kollej va oily o'quv yurtlariga yo'l olishadi. (Bolalar maktabda o'qiyotganini tushirilgan rasm baneri ko'rsatiladi)

1-Boshlovchi: Mustaqilligimiz sharofati bilan bizning Xasan chet elda ya'ni Londonda o'qish huquqiga ega bo'ldi. Zuhrahon esa Toshkent Davlat Iqtisodiyot Universiteti talabasi bo'ldi (Bolalar chet elda, oliy o'quv yurtlarida tahsil olayotganlari tushirilgan rasm baneri ko'rsatiladi)

2-Boshlovchi: Oradan 4 yil o'tdi.

1-bola: Mastura ona suyunchi bering Xasan akamdan Londondan xat keldi.

Mastura ona xatni qo'liga olib oqiydi. (Xat so'zlari boshlovchi tomonidan o'qiladi)

Assalomu alaykum onajon! Sog'liqlaringiz yahshimi, sog' salomatmisiz. Singlim Zuhrahon yahshimi. Mahalla ko'y, qo'ni – qo'shnilar, qarindosh urug'lar hammalari sog' – salomatmilar. Onajon men huquqshunoslik diplomini oldim, erta – indin O'zbekistonga qaytyapman. Men sizga, ona yurtimga va yurtboshimizga tazim qilaman. Menga shunday shart – sharoit yaratib berganligingizdan minnatdorman. Kelajakda ona yurtimga, yurtboshimizga sidqidildan hizmat qilishga tayyorman. Yurtboshimiz biz yoshlarni qo'llab – quvvatlab kelayotani bu bizning eng katta yutug'mizdir. Shuning uchun men o'sib kelayotgan uka – singillarimga aytar so'zim o'qing, bilim oling biz yoshlarga yaratib berilgan imkoniyatlardan unumli foydalaning deb qolaman. Men sizlarni va ona yurtimni judayam sog'indim. Barcha yaqinlarimizga salom ayting. Uchrashguncha xayr. Salom bilan o'g'lingiz Xasan!

Zuhrahon: Onajon, onajon! Assalomu alaykum meni tabriklang onajon. Men "Zulfiya" mukofoti sovrindori bo'ldim. Bundan juda xursandman. Men o'z ona yurtimdan, yurtboshimiz I.A. Karimov shunday "Zulfiya" mukofotini tasis etganlaridan juda minnatdorman va hamisha hizmatlariga tayyorman.

Mastura ona: Oллоhga ming shukur bugun men uchun qo'shaloq bayram. Hozirgina Londondan, akangdan xat oldim. Akang huquqshunoslik diplomini olib, erta – indin O'zbekistonga, uyga qaytayotgan ekan. Men yoshlarga shunday imkon yaratib bergan yurtboshimiz doim sog' – omon, boshimizda soyabon bo'lib yursin deyman.

1-Boshlovchi: Bo'lib o'tgan ko'rigimiz baholash uchun va 2011 yilning 4 may kuni bo'lib o'tgan "Yil tarbiyachisi" tanlovi, tarbiyalanuvchilar o'rtasida o'tkazilgan "Men rasm chizishni yahshi ko'raman" shiori ostida tasviri faoliyatni turli usullarida olib borilgan guruhlararo rasm chizish ko'rik tanlovlarini ham taqdirlash uchun so'zni hay'at a'zolari G.A. Kasimova, M.D.

Ubayhanovalarga.

1-Boshlovchi: So'z mahalla vakili va ota – onalarga

Raqs: "Eski shahar"

Jin: Rahmat sizlarga. Meni ohirigi bir sehrim qoldi, uni sizlarga sovg'a qilmoqchiman.

Hammaangizni sehrli bayram dasurhoniga taklif qilaman.

1-Boshlovchi: Muataqilligimizni 20 – yilligiga bag'ishlangan bayram kechamiz o'z nihoyasiga etdi. Sizlarga tinchlik – totuvlik, sog'lik – salomatlik, baxt va omad tilaymiz. Osmonimiz doimo musaffo bo'lsin.